

JESU

iyi à ya kpe

KIRISI



JESU

iyi à ya kpe

KIRISI




Wycliffe

Illustrations et texte de Willem de Vink

Propriété littéraire © 1993 Stichting Wereldtaal, Houten, Pays-Bas


Edité en néerlandais sous le titre 'Jezus Messias'

Traduction en monkolé © 2008 UEEB (Union des Eglises Evangéliques du Bénin)


Tous droits de traduction, de reproduction et d'adaptation réservés pour tous pays

Imprimé aux Pays-Bas


Co-édition mondiale organisée par Wycliffe Pays-Bas, B.P. 150, 3970 AD Driebergen, Pays-Bas



Ee, na mii í ce zamaa í tətəw kəkəi idou ihē.



I ce sɔɔlu ɲa, domi bommai
Ilaaɗ í maai wa.




I kpaasi ido ɲa.



Dagba wa kãsi tã mɔm a daò icui jii.




Ñ wa n sɔ ɲei, jii iyi kù waa so iso jiida fei aa daai a dasi ina.



To, beirei aa ka ce. Yooi á yɔkɔ ku je kuwee iyi í má.

Ntɔi, ine kãma kaa yɔkɔ ku saa kiitii Ilaaɔ. Amma ine gɔ á na ku naa si anyim. Nɲui á da ɲɛ si HundeI Ilaaɔ.



I kpaasi ido ɲɛ ɲa. I mà ɲa iyi jiida kù wa si ɲɛ. I jò a dasi ɲɛ inyi nɔ ku je sɛedai ido ku kpaasi ɲɛ.





Nɲui á nyisi iyi ì bi i je kuwee titɔ ɲa.

Woo ce waazo iyi wa fɔ beɛbe it̄i idou,
Z̄aa woo dasi inyii.

Ine iyi á na ku naa
si anyim n̄ou í rem
do gbugb̄a.
N̄ḡui á da n̄ge si
Hundeɪ Ilaaḡ do ina,
n̄o ku kpaasi n̄e
mam mam.
N̄ḡui à ya kpe Jesu.




N̄gu wee.



Awoi ì ne
i dasim
inyi.



Aawo, dasim inyi
ku ba id̄oɔbii
Ilaaḡ ku ce.




Baaba, id̄oɔbie
ku ce n̄o bommae
ku naa.



Ŋ̄oi à gbo ide ku fɔ gɔ wa
hai lele, í ni,

Ine ih̄eí í
je Amam.
N̄ buu
jiida jiida,
siei ino
did̄m fei
í ya wa.



Hai kukpei Zāa woo dasi inyi í ce sɔɔlui kunaai Kirisiu. Waati beebe Izireli, ile keekei si bommai Romu.



Zuifu ŋa a kù ne gbugbā nɔ à waa kpā ŋa iju. Wee hai tako walii ŋa à sɔ ŋa kunaai Kirisiu, nɔ à waa degbee. Nɯi á jɔ kiitii Ilaaɔ ku kāmia mii fei.

Zāa woo dasi inyi í tosi Jesu awo kəkɔi idoi ZuudĒe í ni,



Angudāi Ilaaɔi iyi á nya dulum dii ine ŋa.

Si anyie ŋɔi Hundei Ilaaɔ í bɔɔ Jesu gɔɔɔɔ.



Jesu í dī anu dasā ciiji do idū ciiji wa ceɔ kutɔɔ. Kutɔɔu í jɔ í mà ice iyi í ne ku ce.



Iceu ŋɯi í je igū iyi á ce do Seetam ilaalui ilu kuku. Nɯi í je ilaalui andunya nɔ ŋɯi í naaɔ iku do nfe ku ce wa.



Baaba, ñ bi n ce idɔɔɔɔ.

Si iceu í ne ku nyisi ine ŋa iyi idɔɔɔɔ Ilaaɔi í je nɯi ku nya ine ŋa hai si gbugbāi iku.



Amma Seetam wa lelee ku ba ku sindae
hai si icee, í ni,

*Bii awou Amai Ilaaḗi do nto,
jò kuta ḡau ihē a kpaò pēe.*


Aawo, domi à koo à ni,
amane ci ya wee
na ije nḡu akā,
í gbe na ide iyi Ilaaḗ
wa fò fei.




*Bii awou Amai Ilaaḗi,
fo i dinga ile hai lelei
kpasēi Ilaaḗu ihē.
N jò à koo à ni,
amaleka ḡa aa maa mue
si awo nḡa mee.*

Cò, gule i tóom no
n muse gbugbā fei
si andunyau ihē.

Ḥḡi Seetam í bei í sekere hai bi
tee si waati keeke, no
amaleka ḡa à naa à sobie.



Aawo,
à koo à ni,
maà ti i sii
Aḗ Lafēe.




Sekere be Seetam,
domi à koo à ni,
Aḗ Lafēe ei aa tó,
no i wee na irii nḡu akā.




Jesu í kōò Hundei Ilaaḗ,
no í sinda í ne Galilee
bii í je ama.
Ḥḡi ine gò ḡa à tooe
si iseneu. A bi aḡa a mà
bii nḡui í je Kirisi iyi
walii ḡa à tako
à fò ideu.



Ine ɲa à waa ce abɔdɔ go Kana si ilei Galilee.



Jesu ma í wa be do iyee do kpaasie go ɲa.







Amma à ba bitandi gɔ.

Irei í gbɔ wahala. Vɛɛ í gaizia.

I ce bei Jesu á sɔ ɲɛ.



I cuusi boonyi ɲau ihɛ inyi a kɔ ɲa, nɔ i bu i koo i na ine ngboi abɔdɔu ku tieɛ ɲa.



Kù je inyi. Vɛɛi, nɔ vɛɛ jiidai.



Na mii í ce ì jile vɛɛu ihɛ hee do ankãanyi.



?




Beirei á ce ku ce. Inyi ku kpaɔ vɛɛ? Ee, yooi á yɔkɔ ku coo.

Jesu inɛi Nazaretiui í coo.

Jesuu yooi.


Jesu í sinti icɛ Galilee bɛ. Iɛi Galilee bei í waazoa sɔkɔ gɔ ɲa
idei bommai Ilaaɗ si ilu keeke gɔ iyi à ya kpe Kaperanumu.



Tengi bei í cica mɔcɔ
sintɛ ɲa.



Piɛɛ, bɔd akɔu si bua,
nɔ i le taao ɲɛ ɲa.




Mɛɛtu, à tako à ce icɛ wo
do idū fei a kù mu ngɔgɔ.



Amma si bei awɔi ì fɔ...



Maamaake nla nɛi.





Zakɔbu, Zāa,
i naa wa ŋa.
A kù mu cēe
nkpɔ nkpɔ be
ihē aɔ kāma.




Lafēe, fa arae hai bi tom.
Amuu ilu dulum nii.

Maà j̀d̀ zigie ku da, Piee.




I toom wa ŋa, an j̀d̀ i maa
dede ine ŋa iyi aa toom ŋa.



I toom
wa.




Jesu wa dabii si ilei Galilee fei do maccɛ ɲa. Wa sisia ine ɲa ideɪ bommai Ilaaɔ. Í jɔ̀ bɔɔ ɲa à ba iri, nɔ wa lele inei inɔko ɲa, nɔ wa ce maamaake nkpɔ nkpɔ. Zamaa nkpɔ wa toos, nɔ à bitɪ do mii iyi wa ce. Ine ɲau à naai hai ilei Izireli fei do hai Zeruzalemu ilu nlaeu.




Ilu inɔ didɔ ɲai ilu are ɲa. Bommai Ilaaɔ á je tu ɲa.


Ilu inɔ didɔ ɲai ine ɲa iyi à waa gbɔ ari do agbei mii iyi Ilaaɔ wa bee. Ilaaɔ á jɔ̀ a yo.




Ilu inɔ didɔ ɲai ine ɲa iyi à waa kpata. Ilaaɔ á tũ idɔ ɲa.




Ine ilu inɔ didɔ ɲai bii à waa kpã ɲe iju na irim. I jɔ̀ i nyaanyi í fo i dinga do inɔ didɔ ɲa, si na iyi í jɔ̀ Ilaaɔ í jile ɲɛ riba nla nla ikpa lele.




Bei ì bi ine ña a ce nḡe,
iḡe mɔ i ce nḡa beɛbe ña.




I bi mbɛɛ nḡe ña nɔ
i ce nḡa kutɔɔ ña.



Jiida iyi ì waa ce, i maà cã
kesɛɛɛɛ ku ba ine ña a yɔɔ.




I ce laakai ña. Ine iyi í cɔ
inaabo nɔ kɔɔɛɛ í lɔ sie,
í ce sakara mbe tã si idɛɛ.



Ijui í je fitilai ara. Bii ijue wa
ne baani, arae fei si inya
kumái á wa. Amma bii ijue
kù waa ne baani,
arae fei si ilu kukui á wa.




I kaa yɔkɔ i cea lafɛɛ
minji ice ajɔ ña,
waatɔ Ilaaɔ do fia.



I maà jɔ zigi nḡe ku da
do ala. I hanya i ce idɔɔbii
Ilaaɔ titã ña, nɔ iyi í gbe
bei fei nḡui á kɔɔ nḡe si.




I ce iyi ñ wa n sɔ nḡe ku ba i jile icui
kuwɛɛ nḡe si kuta, ku maà je si sãa.




Ajo n̄ju gɔ si ilui Kaperanumu ine ɲa à tɔtɔ
à kaako kpasē bii Jesu í wa.

A kaa ka yɔkɔ ka lɔ inɔ
zamaau ihē pai.




Bii à koo à gū
antaii ileu mɔ ni.

Mii wa ce.



I jò ɲa sē. Ine ɲau
à ne naane nla nla.



A kpa ide
dulum dē.


Mm. Ì gbɔ mbe de.




Wa bu Ilaaḽi.


Ilaaḽi á yɔkɔ ku kpa
dulum dii ine ɲa.

Yoomai í faala í re, ine
ku ni à cee suurui dulum
dē ɲa, walakɔ ku ni,
dede, i so makēē i ne.



Ntɔ ntɔ, Kirisi í ne gbugbā
ku kpa ide dulum dii ine
ɲa nɔ á yɔkɔ ku ni má,
dede, i so makēē i ne.






Maamaakei.


Wa ne.

Ɔ, an yɔko
n ne.
Ñ wa n ne.


Amma kù je ine feii í mà beerei icei Jesu. Ine ngboi woo tɔɔ Ilaaɔ̃ ɲa mɔm nii à re. À ya maa ce laakaei a maa ɔ mà wa jirima wooda. Wooda í ganji ine gɔ ku ce ice si aji kusimi.



Ine gɔ iyi awɔ akãe í kú wee. Ine í ne kpãa ku ce jiida si aji kusimi de, mà laalo.



Te awɔe.




Ñ ba iri.



Ineeu ihẽ í gbe ka kpa.

Ka sɔ̃ ine ngboi woo tɔɔ Aɔ̃ nwa ɲa ka ni mɔkɔu ihẽ wa d̃i ijui ine ɲa.


Idɔi inɛ ɲa í kɔ̃... Jesu í nya arɛ ɲɲu do mɔ̃ɔɛ
ɲa à koo à lɔ akɔi inyi tenkui Galilee.





Faaba wa, Lafɛɛ.
À waa mile.



Ì waa ce njo ɲai?
Hee iwoi naane
ɲɛ í wa.




Coko.
De.




A koo à leekĩ ice.
Gbakã ñpi à gbò anu ku dǔ nla gò.



RAAAAH!





Ine go í faata si ña wa.




Jesu wa naa.

Jesuu. Nkúkú.



Jesu, awai?



Awɔ inei inɔɔko, fita hai si inɛɛu.

Mii í wa si gāmei awaε, Jesu, awɔ Amai Ilaaɔ̃.








Beirei à ya kpee.


Zamaa, domi à kpo.




Jɔ̃ kaa mu kuusɔɔ ñau ihɔ̃.

I koo na.






I gbɔ ɲa. Ñ naai si andunya ihē n naa n ce idɔɔbii Ilaaɗ Baaba iyi í bem wa. N kù wa n ce nkāma do aram.




Jesu í ne dɔɔnei ku nya arae ɲu akā koo ce kutɔɔ.




Si anyii kutɔɔ iyi í ce í sū si idū gɔ í cica mɔɔ maateejie ɲa. Nɔ í be ɲa bii fei si ilei Izireli minji minji. Nɔ í na ɲa gbugbā a leled inei inɔɔko ɲa nɔ a jɔ bɔɔ ɲa a ba iri.



Piɛɛ do Anderee, ifɔ do igbā ɲai.




Beebei Zakɔbu do Zāa mɔ.



Í kpe Filipu do Baatelemi mɔ,


do Tomaa do Matie.
(Matieui í tako í je woo
gba fiái lempoo wo.)




Si anyie nɔ́ í kpe Tadee do
Zakɔbu mmu gɔ́ má,



do Simɔ́ woo jabu na ilɛɛ
do Zudasi Isikarioti.




I koo ɲa. Inɛ iyi í gba ɲɛ,
í gbam nii. Nɔ́ inɛ iyi í gbam,
inɛ iyi í bɛm wai í gba.



Mɔ́ɔ maateji ɲau
à sinda à baa hai bi
iceu do inɔ́ didɔ́.
Jesu í bi ku nya araɛ
aɲaɔ́ ɲa, amma
zamaau kù muaa
afe baa keeke.

Amaaje iyi í jã í to ku da í kpɔ́,
amma woo da ɲau a kù kpɔ́.
Na ɲu, i tɔ́ ilu ikou ku bɛ
woo da ɲa wa má.



Idū wa dū nɔ Jesu í wasi ku kɔ ine ŋa si idei Ilaaɔ nɔ í jɔ̀ bɔ̀w ŋa à waa ba iri.


Filipu, hee iwoi aa ka ba pɛɛ ka ra iyi á to á woð zamaau ihẽ.



Baa fiái icei cukpa meejo kaa to.




Ama inemakɔ gɔi í wa ihẽ í ne pɛɛ ara miu do cɛɛ minji. Fei ndɛɛ mbe.

I jɔ̀ ine ŋau fei a buba, amane ciitaa si tuuba akã fei.




Jesu í saabu Ilaaɔ.

Nɔ í kpɛ pɛɛ ŋau do cɛɛ ŋau nɔ aŋa fei à je à yo.



Do yaase beɛbei
Jesu í wòd amane
dubu nkɔ nkɔ.



Nɔui í je Kirisi iyi á na
ku naau.

Ka biie bomma
ku je ilaalu.



I ɔ ɔa. A ko
pɛe iyi í gbeu
kolo maateeji.



Ka jò ine ɔau a ne ide nɔa. Si anyie i kua
ice ɔa do akoi inyi. Amu an gbe
si iri kutau ihɛ titã n ce kutɔ.






Ine nkpɔ nkpɔ wa bi a ce Jesu ilaalu ku ba ku lele inei Romu na hai si ile nna. Amma ine gɔ na à wasi ku ye taalee. A yɔɔ iyi nɔui á jɔ ine na a na a fita anyii ana. Nɔ à waa bi ine na a ye taalee ku ba a kpa.




Meetu, hai waati yoomai ì wa ihē.

Na irii pēe iyi ñ na nɛi ì jɔ ì waa dedem na?



I maà ti i ce icei ije iyi í ya sãmi, amma i ce icei ije iyi á jɔ i ba kuwɛ hai tã na.



Amui ñ je ije iyi á jɔ ine ku maa wɛ hee do aɔ fei. Aram nii an na ku ba inei andunya na a baɔ kuwɛ.



Mɔkɔu á na wa araɛ ka nɔi?

Kù ne yaase.




Ka nɛ.

Wa dī ijui zamaui. I naa wa.



Iɛe mɔ i kaa ne na?

Bi yooi aa ka bɔ. Lafɛɛ, awɔi ì ne ide i kuwɛ hai tã.




Mbɛɛi Jesu ɲa à kpɔ̀ à waa kɔ̀ɔsi. Jesu í fita hai ilei Galilee nɔ́ í koo wa mɔ̀si icɛɛ inya mmu si ilei Izireli. Mɔ̀ɔ nkpɔ̀ nkpɔ̀i í tooɛɛ waati iyi wa nɛ, hai inemɔ̀kɔ̀ do inaabo ɲa.

Galilee

Zeruzalemu

Izireli




Nɔ́ kù kpɛ́ í nɛ ikpa Zeruzalemu.




Si kpã́a í bee ɲa í ni,

Yooi à ni ò je.


Ine gɔ́ ɲa à ni awɔ̀u waliii.



Iɲɛ mɔ́ ni.



Yooi i tamaa ò je ɲa.



Awɔ̀u Kirisii, Amai Ilaaɔ̀, ɲɲu iyi í je icui kuwɛɛ.



I maà sɔ́ ine kã́ma ɲa. Kirisii á bɔ Zeruzalemui koo wahala nɔ́ ku ku. Amma si ajɔ́ mɛɛtasia á fita hai si bale.


Angulei Zeruzalemui à ya kpakpa woo ce laalo ña.
Yaase beebi inei Romu ña à ya kpãò woo ce laalo ña iju.



Ine iyi wa bi ku toom fei,
ku jò idɔɔbie nɔ ku so
jii ku gaauɛ.



Ine iyi wa bi ku ba kuweɛɛ,
kaa baa. Amma ine iyi í
nyo kuweɛɛ na irim, á baa.



I mà ña iyi Ilaaɔ akãi
í weɛ.



Ide iyi í ne gbugbã í rei í je i bi
Aɔ Lafɛɛ do gbugbãe fei nɔ i bi
ine mmu bei ì bi araɛ.



Si waatii Jesu à ya nya dinte ɲai
hai inɔ ilu à j̄ò ilu baani ɲa.




Bii dinte ɲa à waa bɔ bii
gɔ à ya d̄ɔ anui à maa ni,

Riisi,
riisi.



Jesu, Meetu,
ce araare nwa.





I koo i tuse ara nḡe bi woo weeu ḡa.



Kaa nyisi ara nwa bi woo weeu ku ba ku cɔ wa?

Aa ka ba iri?




?

!




Ntɔi, à ba iri.



Awa fei à ba iri.


Ntɔi.



Ilaaḡ í je jiida. À saabu.



Iḡe mæewa fei i kù ba iri ḡa? Hee iwoi ine mæesã iyi à gbe ḡau à wa. Aḡa mɔ a kù ne a saabu Ilaaḡ?



Dede. Naane ku dasiei í jḡ ì ba iri nɔ iyi í re mɔm í jḡ ì ba faaba.

Ine ngboi Zuifu na à be ine
na hai Jeruzalemu à koo
à cò mii iyi Jesu wa ce.
Mii iyi wa ce kù waa
dõ na si,

domi Jesu í ya bõ bi ine laalo na.
Ine laalo nau wee, woo ce sakara
na do woo gba fi ai lempoo na iyi
à waa cea inei Romu na ice.

Amu Kirisi n naai n naa
n dede ine na iyi à nyo
n faaba na.


Jesu í ya jò bõõ na a ba iri
baa si aji kusimi.

Ba iri.

Í ya gba amu na do kubi.

I jò amu na a naa bi tom,
domi bommai Ilaaõ í je
ti ine na iyi à jò na.


À kpe Jesu Betani.
Kòkòì Zeruzalemui
Betaniu í wa.
Lazaa kù waa ne baani.
Njũ do wecīe ηau, Maata
do Maari, kpaasii Jesu ηai.
Amma hee Jesu
ku maa to wa Betani
Lazaa í ku nɔ à suu
hee í ce ajɔ mee tã.



Lafēe, bii í je ì wa ihē wo
wecīm kaa ku.



Maata, wecīeu á jĩ má.



Ntɔi, ñ mà iyi ajɔi ankāanyi
á jĩ má waati iyi iku ηa
aa jĩ hai si bale.



Amui ñ je kujĩi iku ηa nɔ ñ
je kuwēe. Ine iyi í dasim
naane á maa weei.
Maata, ì dasi ideu naane?




Oo Lafēe, ñ dasi naane iyi
awɔi ì je Kirisi, Amai Ilaaḡ
iyi á na ku naa si andunya.



Iwoi ì suu ηa.


Lafēe, naa cɔ.





Jesu wa kpata, í buu ntɔ ntɔ.

Kaa yɔkɔ ku ganji ikui Lazaa woi?




Si ilei Izireli à ya jɔsi arai iku ɲa iwɔ gɔi nɔ à wenwee sie jaas à bei à dasie inɔ isai kuta.

I tale kutau hai si anui baleu.




Lafɛɛ, á nu tã, domi hai à suu aɲɔ mɛɛi í ce be.

Aa ye amboei Ilaaɔ ɲa.



Baaba, ñ wa n ce iyi ihɛi ku ba ine ɲa a mà iyi awɔi ì bem wa.




LAZAA, FITA WA.



I fũu i jɔ ku ne ɲa.

Ine ngboi woo tɔɔ Aɔ̄ ɲa à teese à bitɪ do bei zamaai Jesu í kɔ̄si wa koo.



Inɛɛu ihē wa ce maamaake nkɔ̄.

Bii a kù leekīe inɛi Romu ɲa aa naa a dedeɔ̄ ide ku kɔ̄.

Aa lɛge kpasēi Ilaaɔ̄ nwa do inɛ nwa ɲa.



Í tia inɛ akā ku ku do iyi zamaau fei á ku.



Jesuu, aa kpaai.




Hai waati bɛɛbei inɛ ngboi Zuifu ɲau à waa de kpāa bei aa ce a mu Jesu a daa inɛi Romu ɲa si awɔ̄. Aɲa akāi à nɛ kpāa a ye taalei inɛ a kpaai.

Waati beebe à waa ce jingau go Betani.



Maari.




Tulareu ihē í caada nto nto.




Aa yoko a taa wo no a kpea ilu are na fiu.




Jò abou, Zudasi. Í jile tulareui ti ajo iyi aa na a dasim bale.



Jingauí Iku ku kua í maai wa, nɔ zamaa
nkpɔ nkpɔ wa bɔ Zeruzalemu.



Waati iyi inɛ ngboi woo tɔɔ Aɔ
ɲau à jilɔɔ si aɲa a leekīɛ,
ɲɔi í mɔsi isɛnɛɛ ikpa inɔ ilu.



Waati iyi Jesu í to wa zamaau í wasi ku dakpeaa.



Oo, ino didži.

À saabu.



Ilaaõ ku wee, awõ iyi ì waa naa do irie.

Ilaaõ ku weea ilaalui Izireli.




Ine fei í sei wa bõ bi tee.

Aa, kù je iyi ihēi à bi.



Kpasēi Ilaaḽ iyi í wa
Zeruzalemui í je gbugbāi
kpāai Aḽ ku tḽi Zuifu ḽa.



Si waatii jingauí Iku ku
kua à ya ce kuweei
angudā ḽai.




Bubui kuwee iyi à ceu, kpasēi
Ilaaḽi à ya joo, ku ba Ilaaḽ
ku kpa dulum du ḽa.




Amma kuwee yoomai
á yḽkḽ ku faaba ine ḽa
hai si dulum du ḽa do ntḽ.







Kpasēi Ilaaḽ bei ine ḽa à ya maa ta iwo ḽa,
a maa kpaasi fia ḽa, a maa ce sīa.




ḽḽi Jesu í lḽ be
anu akā.








Ilei Ilaaḽ ile bi kutṵṵi ine feii á je, amma iṅe wee ì coo bi ku tṵṵṵi ile ṅa.



Mṵkṵu ihē á naa nwa wahala wa. Ine fei wa gbṵ idee.



Í gbe ka ba kpāa ka leekīei.




Ka ce bisi ka muu
nɔ ka kpaɔ.

Amma ku maà je
si waatii jingauu
ku ba ka maà
dede hoyà hoyà.



Bii ò da nɛ Jesu
si awɔ, felei
aa sãam ɛa.

Zudasi ine
akãi mɔcɔɛ
ɛaui.



An da nɛ Jesu si awɔ.



Aa ka nae kpekele kuntaa,
zaka bei à ya ra aru.



Hee jingau i Iku ku
kua ku maa to,
Jesu wa ba zamaa
ide ku fɔ bantumai
kpasēi Ilaaḏ baa do iyi
idɔi inɛ ngboi woo tɔɔ
Aḏ ḡau wa kḏ do ḡu.
Jesu í ni Piee do Zāa
a koo a ce sɔɔlui
angudāi jingauu.




Iyi alɛ í lɛ Jesu do mɔɔ maateeje ḡau
à koo à tɔɔ inɔ ilu à waa je ijei jingau.




An daa inɛ ḡa Jesu
si awɔ alɛɛyi.







Ŋ wa n bi ntɔ ntɔ n je jingau
Iku ku kuau ihēi awae ŋa n
bei n ye ijuukpām nɔu.




Amanlu ŋa à ya maa je
gbugbāi si antaii ine ŋa ŋa.



Amma ine nŋe iyi wa bi
nŋu ku je ine ngbo,
nŋui á je woo ce ice nŋe.



Amu wee ñ wa inɔ nŋei
bei woo ce ice.





Lafēe, awɔi aa ce icei aru i wie kutem? Aawo, kaa ce pai.

Piēe, bii n kù wiee kutee ɲa i kaa je inem má.



Debei Lafēe, wie awom do irim fei.

Ine iyi í we tā kù ne bukaatai ku we má í gbe isee ɲa.



Í ya maa kpem Meeɲu ɲa do Lafēe. Ntɔi ì waa fɔ ɲa. Debei, bii ñ wie kute ɲe ɲa, yaase jiidai ñ nyisi ɲe be. Iɲe mɔ i ya ce beebe ɲa.



Ine akā ɲe á zambam.


Isa kù je amu ya.

Kaa ce.




Zudasi, mii iyi aa ce, coo do njuma.






Mii iyi aa ka ceu ihē nsei,
i ya coo i maa yeò gigim ña.



Pēeu ihēi í je aram.
I gba i je ña.




Vēe iyi í wa si kɔɔfuu ihēi
í je nyindai akabuu titō
iyi Ilaaō í dī do ñe. Í dūui
do njem iyi á nikā na iri
ñe si ikum. I gba i mɔ ña.



Wooda titō iyi ñ wa n na
ñe wee, i ya bi nje
ña bei ñ bi ñe.



Bii ñ bi nje ña, ine fei
á mà iyi ñ je mɔcɔm ña.



Lafēe, an tooe bii ñ waa
bɔ fei. Ñ tā sɔlu n na
kuweem na irie.

Piee, hee ajee ku maa kɔ
aa jā ise gbeeta i ni
awo i kù màm.

Si ale akāu iyi í ce sãa, Jesu do mɔɔ
maatakãe ɲau à fita hai inɔ iluu.
Zudasi kù wa inɔ ɲa.

An jò ɲe, amma Ilaaã Baaba á samba ɲe
Hundeí ntɔ iyi á maa sobi ɲe nɔ á wɛɛ
do inɛ hee do ajo fei.

Bii ñ wa n bɔ ì mà
kpãau ɲa.


Amui ñ je kpãa, do ntɔ, do
kuwɛɛ. Inɛ kãma kaa bɔ bi
Baaba bii kù je hai bi tom.

I gbe ihẽ titã ɲa n koo
n ce kutɔɔ wa.


Baaba, bii á ce jò wahalau
ihẽ ku jìim.

Amma ku maà ti ku je ti
idɔɔbim, jò idɔɔbie ku ce.


I kù yòkò i kù wò njoo baa læu akā ña? I dede i cò ña. Ine iyi á zambam wa to wa.



Ine iyi ñ koo ñ ya ñ baabaë, lafëë mbe. I muu i nêë ña.



Irei ì caale, Mëetu.




Zudasi, do dimii fòò be ihëi aa zambaò Kirisi?

Lafëë, ka da ña do taakuba?



Aawo, i maà ce nkāma ña.



Ine ñau à mu Jesu à waa nêë. Mòcò ñau fei à sa à jòò.



À waa bɔ̀ Jesu bi woo wee nla iyi í je
ine ngboi Zuifu ɲau. Piee do Zãa à wa
hee jĩijĩ à waa too ɲa do anyi.



Piee í lo inɔ bantumai kpasẽu.



Awɔ mɔ i kù tako i kù
wa bi mɔkɔu be de.




Kai, n kù màa
mɔm fa.

Awɔu ine akã ɲai.



Aawo.

Awɔu inei Galileei,
awɔ mɔ ine akã ɲai.





Pai,
n kù màa.




Koko-
tia-
nkoo.



Si anyie...



Sõ wa ine iyi í cãe.



Iju kumae à gbã Jesu à bõde bi ku ce kiitii Zuifu ña.

Awõu Amai
Ilaaõì?

Amu Amai Ilaaõì
si bei ì fõ ñau.



Wa bu Ilaaõ. Í to a kpaã.
Ka bõee bi ku ce kiitii
inei Romu ña.

À bɔ̀ Jesu bi Pilati, ilu ilei Romu. Ine ngboi Zuifu ɲa à ye taalee nɔ̀ à waa dede idɔ̀kɔ̀i zamaau.



I kù waa fɔ̀ ide go?
I kù gbɔ̀ bei à waa niɛi?



Mii ì ce.

Ñ naa
sɛɛdai ntɔ̀
ku jei.




Dimii mii mɔ̀m nii
à ya kpe ntɔ̀.



N kù ye taale kãma si mɔ̀kɔ̀u.
Amma si jingau iku ku kua
à ne dɔ̀nei ka jɔ̀ inei piisɔ̀
akã. I cica ine iyi an jɔ̀ nɲe,
Barabasi de mà ilaalui
Zuifu ɲa.





Barabasi.

Barabasi.



Nɔ beirei an cea ineeu ihē.

Kpakpae si jii ku gaau.


Wa ni ngu í je ilaalu.

Wa tamaa nguu ilaalui. Bii ì jòò i kù je kpaasii ilaalu nlai Romu má.



Ì ne arae mbe. Awɔi ine ŋa à cica nɔ à ni a kpa Jesu.


À jò Barabasi iyi à ye taales na ine ku kpau.



...37, 38, 39.



Mɔkɔ dee deeu ihē kukpae kù yem, í je idei iri nŋe.



Fɔɔ ilaalui Zuifu ŋa.



Mókou wee.

Крaкpaе si jii.

Крaкpaе si jii.

Крaкpaе si jii.




Pilati í na wooda a kpaá. Jesu í so jii ku gaáue wa neò si ino ilu Zeruzalemu.





Angulei iluui à ya kpaá iné ña si geete gó iyi à ya kpe Góogóta. (Yaasei Góogótaui í je kokoi iri.)



Tengi bei sooge ña à kpaá Jesu si jii ku gaau.







Ŋɔi Pilati í j̄ò à kɔ ide go do fee ikā ikā meeta si j̄ii go à masi antai j̄ii ku gaauu. Kukɔu í ni, Jesu ilaalui Zuifu ŋai.


Jesu í kɔ ku mɔ iwɔ ku kpa ara kuro.

Sooge ŋa à ta si j̄inee ŋa kpaasa.



Ì faaba ine go ŋa.

Bii awɔu Amai Ilaaḽi, kita wa hai antai j̄ii ku gaauu.



Faaba arae nɔ i faaba awa mɔ.

I kù waa ce njoii Ilaaḽ? Awa à waa sã nwa gbesei mii iyi à cei, amma nje kù ce laalo kãma.

Bii ì naa i je bommae, ye gigim.

Ntɔ ntɔ, ñ wa n s̄ei, nnyi aa wee do amu lelei Aḽ.



Ọ̀jì zakai dasã ilu kuku
nla nla í ce si ile.



Maari iyei Jesu do Zãa, ine akãì
mɔ̀cɔ̀e ọ̀au à waa leekì kòkòì
jìi ku gaauu.

Hai nnyi ì baa ì
je iye do ama.



Ịlaaḽ, Ịlaaḽ, na mii í
ce ì fūsim awḽ.

Agbe wa kpam.




Baaba, ñ dae hundem
si awḽe.



Fei ndeé í kpa
iri mbe.



Jesu í kui zakai iso meetai dasã. Ine akãi sooge ηau í gũ kpakpaa cingaae do kaka, η̄oi nje do inyi wa jò wa.



Kukoi idei Ilaaõ í ni, à gbãa à bode aso laga bei ama angudã.



Nõ kukou í ni má, à mee na irii dulum du wa ηa. Amma nsei í ku.



Nηui í je Kirisi iyi á na ku naau?



Ka koo kaa bee mà aa ka yoko ka suu.



Zozefu inei Arimatee do Nikodemu à koo à nya ikui Jesuu. À wo arau do aco titõ fũfũ go à bei à dasie ino bale, nõ à cĩmbo andee do kuta nla go.



Iyi ajɔi kusĩmiu í lɔ,
inaabo gɔ ɲa à bɔ
bi baleu do inɔ ku fɔ.




Kutau í
bimbili hai
andɛi baleu.



Na mii í ce ì waa dɛdɛ ilu
hunde bi ku wai iku ɲa.
Kù wa ihẽ má, ɲjɛ í jĩ hai si
bale. I koo i sɔ mɔcɔɛ ɲa.



Iyi inaabo ɲau à sinda à
baa bi mɔcɔ ɲau, ɲɔi Pieɛ
do Zãa à sei à bɔ bi baleu.



Mii í ce.



Nkúkú.
Baleu í gbe ngbɛ.



Maari í bə kəkəi baleu.




Abooyi, na mii í ce
ì waa kpata.
Yooi ì waa dede.




À so ikui Lafēem hai ihē
nə n kù mà bii à dasie.
Məkəyɪ, bii awɔi ì soo,
sǝm bii ì jilɔɔ.




Maari.



Meeɗu.




Jəm, màà mum má.
Amma bə bi məcəm
ɲa, sǝ ɲa i ni, ñ wa
n bə bi Ilaaǝ.
Nɲui í je Baam,
nə í je Baai iɲe mə.



Si ajo akāu mɔcɔ minji gɔ ɲa à waa bɔ ilu gɔ
nɔ à weɛd inɔ ku fɔ. Si iseene nɲau ine gɔ í
naa í ba ɲa nɔ à waa nya faajii mii ɲa iyi
í ce ɲau fei à waa neɔ.

I kù dasi idei walii ɲau naane ɲai?
A kù kɔɔ a kù ni Kirisi á ye ijuukpã
ku bei ku lɔ si amboeei?
Hai kukpei à kɔ iyi be fei.



Waati iyi à waa je,
ɲɔi à kua ine njoo
nɲau anu akã.

Jesui.



Nɔ aɲa mɔ à dede gbakã à nyi Zeruzalemu
à koo à ba mɔcɔ ɲa iyi à gbeu.


À ye Lafɛɛ.




Maari do
Pieɛ ɲa mɔ
à yɔɔ.

Anu akã...


Laakai ku
sũ ku weɛ
do inɛ.




Amui.
I cɔ awɔm ɲa,
i cɔ kutem ɲa.




Aɔ
Lafɛɛm.



Jesu í faata si mǎcǎe ɲau
wa si afei aɟɔ ciiji.
Amane cǐɔ miu í yɔɔ.
Aɟɔ ɲɲu gɔ mǎcǎe gɔ ɲa
à waa le taao...






Piɛɛ, ì bim ntɔ ntɔ?




Jesu í bee Piɛɛ ide akãu ise gbɛɛta.



Oo Lafɛɛ, ì mà iyi ñ biɛ.

To, gbã angudãm ña.



Toom wa.

Yiikoi lele do ti ile fei à nam nii. Na ñu, i koo si dimi fei i ce ña mɔɔm ña. Nɔ i dasi ña inyi do irii Baaba do ti Ama do ti Hundei Ilaaã. Nɔ ide iyi ñ sɔ ñe fei, i kɔ ña si ide ñau ku jirima ña.



Nɔ i mà ña iyi an maa wɛɛ do ñɛ aɔ fei hee kɔɔi andunya.



Si anyie Jesu í ne lelei Aã. Nɔ à nyi wa má si bei í fɔ ku na ku kiiti ine fei.


Jesu í nɛ. Mɔ́cɔɛ ɲa à wa Zeruzalemu à ce kutɔ́ à waa degbeò kuwã iyi í ceu. Ɗɔi Hundi Ilaaɔ́ í naa si ɲa. Hundi Ilaaɔ́ iyi í tako í wa si Jesuu í naa si mɔ́cɔɛ ɲau mɔ́ bebei. Nɔ́ í ce ɲa ine titɔ́ ɲa, nɔ́ à je sɛɛdai Jesu Kirisi.

Iku kaa yɔ́kɔ ku gɛɛ Jesu. Ilaaɔ́ í jũu hai si bale Jesu í je ine sinte iyi í lɔ́si amboei Ilaaɔ́.



Mɔ́cɔɛ ɲau à waa dabii bii fei, baa do iyi ine gɔ́ ɲa a kù bi.

Jesui í je Amai Ilaaɔ́.




Ine gɔ́ ɲa à kɔ́ ideu à sambaa nje.

Í gba dulum du wa ɲa si arɛ waati iyi í ku si antaii j̄i ku gaauu. Do saabue, aa ka yɔ́kɔ ka je kuweɛ nwa bei Ilaaɔ́ í bi.



Bii fei si andunya ine ɲa iyi à waa too Jesu à ya tɔ́tɔ́i a maa ce kutɔ́ nɔ́ a maa cio tiai idee. À ya kpɛ ijei Lafɛɛ, à bu pɛɛ nɔ́ à kpɛ vɛɛ iyi í wa si kɔ́ɔ́fu à yeò gigii ikui Jesu. À ya maa nyisi ine ɲa kubii Ilaaɔ́ iyi í wa si idɔ́ ɲa.

Mii iyi Ilaaõ wa lele si
gãmei amanẽ í ce
na saabui Jesu.



Jesu í bie.
Saabuẽ, nõ í tãẽ.



Ilaaõ í bi inei andunya
na jiida jiida hee í na
na Ama akãe ku ba ine
iyi í dasie naane fei ku
ma` ce nfe, amma ku
ne kuwẽe iyi ci ya tã.

FAAJII IDEI JESU KÙ KPA IRI TITĀ

Ine mɛɛ gɔ ɲa iyi à je kuwɛɛ ɲa do Jesu aɔ à je sɛɛdai mii iyi í ce fei nɔ ine akā ɲa fei í kɔ ide ɲau si tiaɛ. Aa yɔkɔ i cioɛ awɔ takɛ si tiaɛ ideɪ Ilaaɔ.

MATIE

Matie ine akāi mɔɔ maateɛji ɲau. Jesu í kpooi waati iyi wa buba inɔ ile bi ku gba fiaɪ lɛmpoo ilui Kaperanumu. Ine ɲa à biti si bei à ye Jesu í cica woo gba fiaɪ lɛmpoo ku je mɔɔɛ. Ide ɲa iyi Matie í kɔ ihē fei, nkɔɛ í cei si ijue.

MAAKU

Laabaau iyi Maaku í kɔ kù sɔ. Maaku wa kere waati iyi Jesu wa je kuwɛɛɛ Izireli. Maaku ci ya fe bi Pieɛ ku bɔ. Pieɛ í ya maa kpoo mɔm nii, amam, si akāi tiaɛ ɲa iyi í kɔ. Si anyie Maaku do Pɔlu à na à waa ce ice aɔ. Pɔlui í je ine iyi í bɔɔ laabaauɪ Jesu ile nkɔ nkɔi bature ɲa iyi à ya kpe Erɔpu.

LUKU


Baa do iyi Luku kù wa si inɔi mɔɔ ɲau, ɲu mɔ í kɔ tia akā. Lukuu lokotooi. Inei Geresii. Waati iyi wa bi ku kɔ tiaɛ í ce kudɛɛ bi ine ɲa iyi à ce isɛɛɛ do Jesu. Nɲui í kɔ tiaɪ Icei Woo Be ɲa. Si tiaɪ í sisi yaase bei woo dasi Jesu naane sinte ɲau à je kuwɛɛ ɲa do yaase bei igbei inei Jesu ɲa í sintiɔ.

ZĀA

Zāai à ya kpe mɔɔ iyi Jesu í bi í reu si na iyi í jɔ aɲaɔ à maai si nje. Í leekī dim dim do Jesu hee Jesu í koo í kuɔ si antai jīi ku gaau. Waati iyi wa bi ku kpa irii tiaɛu í ni, Jesu í nyi í ce maamaake nkɔ nkɔ má, amma à kɔ iyi ihēi ku ba i dasi naane ɲa iyi Jesu Kirisii í je ine iyi à ce kuwāɛu. Na ɲu, aa ba kuwɛɛ ɲa na saabue. Si inɔi mɔɔ ɲau fei, Zāai kuwɛɛɛ í sɔ í re kraasi ɲa. Nɔ ɲui í kɔ tiaɪ Kuye, tengi bii í sisi kuye iyi í ce si gāmei Jesu iyi í ye si amboeɛ.

AWɔ Mɔ NI

Faajii Jesuu kù kpa iri. Zamaa bututui hai waati sisɔ wa à je sɛɛdai kuwɛɛi Jesu si kuwɛɛ ɲa. Jesu í bi ɲu ku naa si kuwɛɛi awɔ mɔ nɔ kú maa wɛɛ do awɔ nɔ ku biie do kubie. Tengi bii Jesu í wa, mii iyi wa dū fei í ya fūutai. Nɔ a kù ne ka ce nɔi iku má, domi í jɔ à ne kpāa ku cɔi kuwɛɛ hai tā. Na saabui Jesu, mii iyi Ilaaɔ wa bi ku ce si kuwɛɛɛ á yɔkɔ ku ce. N̄ wa n tɔɔ ì ce isɛɛɛ jiida do ɲu.





JESU KIRISIU

Faajii kuwɛɛi Jesu Kirisiu wee. I je kuwɛɛɛi si ilei Izireli, wa bɔ adɔ̄ dubu minji wa (2000). Yaasei kuwɛɛɛ i mu ine ŋa iyi a màa fei biti. Ine gɔ̀ kù yɔ̀kɔ̀ kù ce mii iyi i ya ce aɔ̀ kãma. Ine gɔ̀ kù yɔ̀kɔ̀ kù fɔ̀ ide bei i ya fɔ̀ ide aɔ̀ kãma. Tengi bii i bɔ fei i ya ce maamaake ŋai. Nɔ̀ ine ŋa iyi a ya bi ideɛ ku gbɔ fei a ya ne inɔ̀ didɔ̀i. Amma fei ndɛɛ i naa i kpa irii anu akã. Mbɛɛɛ ŋa a kpa. Amma kù je kɔ̀ bɛ. Cio ideu awɔ̀ takae ku ba i mà bei i ne, nɔ̀ i mà bei faajii Jesu Kirisiu wa mɔ̀si.

langue: Monkolé